


誠齋集

七



誠齋集卷第二十五

廬陵揚

万里

廷秀

詩

江西道院集

送吉州太守朱子洲造朝

廬陵難做定何如請看黟川朱大夫秋月滿懷春
滿面視民如子吏如奴萬艘白粲何曾欠百雉金
城舊更無歸侍玉皇香案了甘棠便是瑞蓮圖

郡中

三瑞堂前生數枝雙
頭蓮子洲畫為圖

公在卿邦我在京百書終不慰生平西歸一見還

傾蓋夜坐相看話短檠老去可堪頻送客古來作
惡是離情雲泥隔劫從今始肯倩征鴻訪死生

感秋五首

昨扇猶午攜今囊覺晨單起來且復卧未敢窺柴
關不知病至此為復老使然平生性剛燥畏熱長
喜寒念肯忝鄉賦踐雪請春官布褐背不續芒鞋
繭且穿長亭夜濯足吹燈呻故編買酒破孤悶浩
歌鼓屋椽何曾悲廩秋山稜聳臞肩秋風吹我髓
秋露滴我肝我欲與秋敵秋先令我酸歎息復歎
息誰是長少年

鹽漱已云畢危坐正冠衣攬鏡忽見我不識我為
誰自倚身尚強不悟年已衰舉頭視嘉木向人慘
無姿我欲訪渠老渠乃懷秋悲木不解飲琴瑟聲
怨咨我且呼麴生細細斟酌之我醉不知我更知
春秋為

墮照趣夕黯孤燈啓宵明老夫倦欲睡似醉復如
醒寸心無寸恨坦如江海清秋蛩何為者四面作
怨聲淒惻竟未已抑揚殊不平切切百千語遞遞
三四更遠砌尋不得靜坐復爭鳴有口汝自苦我
醉不汝聽

秋曉寒可忍秋夕永難度青燈照書冊兩眼如隔
霧掩卷却孤坐塊然與誰語倒卧卧不得起行行
無處屋角忽生明山月到庭戶似憐幽獨人深夜
約清晤我吟月解聽月轉我亦步何必更讀書且
與月聯句

平生畏長夏一念願清秋如何遇秋至不喜却成
愁書冊秋可讀詩句秋可搜永夜宜痛飲曠野宜
遠游江南萬山川一夕入寸眸請辨雙行纏何處
無一丘

寄題蕭民望齊雲樓

下涑山尖碧雲起
溱得奇峯三四
甯老人登樓來
看雲下瞰雲端
在平地急呼雲
師令執鞭我欲
乘此追群仙
蓬萊閩風徧
遊覽歸來落
月滿晴川

寄題李俊臣南樓

庾家南樓天下無
李家南樓何似渠
玉蕊碧山羅帶水
眼界風煙且千里
何須橫陳鸚鵡洲
月挂欄干西角頭
謫仙子孫五鳳
手安得長江化作一杯酒

送劉子思往衡湘

浩齋先生第一孫
秀峯後進第一人
向來著論三

分國喚起阿彌戮女姦魄有司手持金粟尺越羅蜀
錦遺道側洞庭昨夜起霜風翩然欲登石廩與祝
融歸來定有驚人句肯寄江西道院翁

夢作礪試館中所送建茶絕句

天上蓬山新水芽群仙遠寄野人家坐看寶帶黃
金鏤吹作春風白雪花

寄題安福彭文昌春風樓

沂水何人解問津樓中蠹簡拂蛛塵杏花壇下朱
絃瑟十指風生別是春

不到安成二十年故人相憶兩依然彭家樓上春

風裏夢倚危欄俯百川

將赴高安出吉水報謁縣官歸塗宿五峯

寺

風暄雨暖日和柔道是穠春不道秋楚楚江楓新
結束柿紅衫子錦纏頭

野寺重來記昨游一彈指頃幾經秋五峯絕頂雙
松樹相識兒時到白頭

明發五峯寺

歸時路何近去時路何遠山路無短長人心有往
返每因赴官期一出謁鄉縣若非人事牽無奈老

身嬾初心作此行夜雨醒醉眼孤愁念群驢尺泥
滑雙趺首塗天全濕回轍雲半捲投寺借松牀呼
僧同野飯頽然佳眠足得此行役倦暫勞新不堪
遐征舊所歎松菊豈不懷樊籠何時免瘦藤要覓
閑到了古道院

初入筠州界高岡鋪

千尺霜松夾道周國初涼織至今留筠州舊是朝
天路六十年來行信州

路人號夾道
松為涼織樹

贈別羅時清

四歲相從亦快哉東游興盡却西回詩中風月無

疆界聖處官庭元洞開握手論文兩妻斷登山臨
水重徘徊亦山亭下梅花徑明日先生獨自來

已酉上元後贈劉子才

書臺城西幽絕處古木排霄草荒路空齋深夜四
無人維予二人聽春雨我如病鶴子茁蘭長幼不
同同少年聞子誦書金應玉看子落筆山飛泉別
來幾何如昨日我老過前子非昔來年裏硯試集
英側耳疆傳第一聲

二月十一日夜夢作東都蚤春

絕句

道是春來早如何未見春小挑三四點偏報有情
人

和充延之見戲觸藩之韻以寄之

儂愛山行君水游尊前風味獨宜秋文戈却日玉
無價器寶羅胸金欲流歎唾清圓談者詘詩章精
悍古人羞子房莫笑身三尺會看功成自擇留

郡圖上巳

旋收雨夕放晴晨禊日風光正可人間白參紅方

是錦疎挑散李不成春

散音
上聲

尋春不見只思還却在來僊小崦間映出一川挑

李好只消外面矮青山

看小舟除萍

花伴吟哦柳伴行
生憎庭外晚衙聲
獨攜便面巡荷沼
自課蘭舟掠水萍
歲歲荷花苦未多
綠萍蓋水礙新荷
請君六月重來看
雲錦千機不犯梭

讀退之李花詩

桃李歲歲同時並開而退之有花不見桃惟見李之句殊不可解因晚登碧落堂望隔江桃李桃皆暗而李獨明乃悟其妙蓋炫畫縞

夜去

近紅暮看失燕支
遠白宵明雪色奇
花不見桃惟見李
一生不曉退之詩

郡圃曉步因登披僊閣

昨來風日較暄些
破曉來游特地佳
也自低頭花下過
依前撞落一頭花

李花半落雪成堆
未後桃花錄續開
白錦地衣紅錦障
侵晨供張等儂來

百五佳時更絕晨
園丁猶未放游人
瘦藤柱上披僊閣
四面花光照殺春

只道春來不見晨風邀雨勒未收人暄雲淑日消
多少花柳忽忽了却春來不青紫又幾時吹寒風

嘲報春花

嫩黃老碧已多時
駭紫癡紅略萬枝
始去有報春
三兩朶春深猶自不曾知

醉人疑垂絲海棠盛開

垂絲別得一風光
誰道全輸蜀海棠
風攬玉皇紅
世界日烘青帝紫
衣裳懶無氣力仍春醉
睡起精神欲曉粧
舉似老夫新句子
看渠桃李敢承當

一春身醅醱初發

滋味春光不味
玉皇紫棠

一春長是怨春遲過却春光
恁不知已負海棠桃
李了再三莫負酴醾

荷亭倚欄

魚跳龜戲不曾閑
萍盡荷生尚未繁
水面圓紋亂
相入玻璃盆
旋玉連環

披僊閣上酴醾

仰架遙看時見些
登樓下瞰脫然佳
酴醾蝴蝶渾
無辨飛去方知不是花

酴醾約我早來看
及至來看花已殘
動地寒風君
莫怯亂吹香雪灑
攔干

亦山亭前梅子

道傍小樹復低枝，摘盡青梅肯更遺。
偶尔葉間留一箇，且看漏眼幾多時。

塹荷池水

雨中來看塹池塘，自與畦丁細校量。
更放水痕高幾許，浮荷猶剩若干長。

初夏玉井亭晚立

冶藥倡花一雨空，鮮晴新漲未虧儂。
竹兼樹影眠天底，人凭欄干立鏡中。
看盡水衣投北岸，方知今日是南風。
黃鸝對語無尋處，忽見雙飛入別叢。

送曾無逸入為掌故

吉文江水走玉虹我家水西君水東有時相思即
命駕連牀夜兩聽松風中間薄宦各分散南飛駕
鵝北飛鴈朝來驛騎打譙門有客有客來相見聞
君攜家入帝京推鼓發舩天上行也能枉轍九十
里來訪江西道院僧詩家兩僊宿臺省紅藥蒼苔
紫薇影若問山僧作麼生日晏鸞啼眠不醒

觀荷上雨

細雨霑荷散玉塵聚成顆顆小珠新跳來跳去還
收去祗有瓊拌弄水銀

筠菴

故老談李僊晉日上寥廓隨身無長物止跨一隻
鶴鶴本非胎生古卯尚遺殼千年石似堅覆在鳳
山脚寒宵晦風雨神光照岩岳犬嗥雞夜鳴龍泣
人寢愕祗今筠菴是因物非繩削當時菴破處作
門不關鑰蓋以一把茅聊以護霜雹遐瞻如釣翁
蓑衣逐層著我來驗幽討意尚疑諺詭霧中披羽
衣砌下脫芒屨入戶環仰觀中空生響諾不見朱
頂維猶存雪色膜松梢雙老鶴戛然下檐角老夫
忽心驚不敢小盤礴

晚步

清水芙蓉未肯開
暑天花草底差排
鹿葱金鳳何為者
也得園亭護兩階

翠樾亭前鶯鳥巢

仰聽金衣語
偶窺鶯鳥巢
深穿喬木裏
危挂弱枝梢
啄抱雙雙子
經營寸寸茅
何時離脫殼
新弄響交交

新暑追涼

去歲衝炎橫大江
今年度暑卧筠陽
滿園無數好

亭子一夏不知何許涼待等老夫親勘當更招幽
鳥細商量朝慵午倦誰相伴貓枕桃笙苦竹床

書孫公談圃談圃載子由為黃白術將舉

火一貓據爐而溺須臾不見

少許丹砂和水銀鍊成紫磨賺癡人穎濱莫笑貍
奴着却恐貍奴笑穎濱

無訟堂觀檐間蛛絲

蜘蛛作網抵愁疎密了還遭小雨餘漏却飛蟲渾
細事無妨網得萬真珠

黃世成挽辭

文行高無對功名莫動渠寧登逸民傳不著茂陵
書誰謂風流盡猶疑信息踈九京何所憾玉樹滿
庭除

筠菴午憩

筠菴稍不至一至一回好風從林梢落吹亂竹根
草巾屨上下涼鶯鶻左右噪市聲元不近靜聽遠
亦到石磴坐來溫蘚徑淨如掃書空作愁字已忘
偏旁了猶自忘了愁而况記得老客來談世事欲
笑還嬾笑

玉井亭觀荷花

藻儂初出波照日釋猶怯密排碧羅蓋低護紅玉
頰館之水精宮環以瑠璃堞珠明浮盤戲酒漾流
杯擘青筆尖欲試綠牋皺還捐老龜大於錢辛勤
上團葉忽聞人履聲入水一何棲

碧落堂暮景輓轡體

碧落堂中夕眺餘一聲哀角裂晴虛滿城煙靄忽
然合隔水人家恰似無坐看荷山沉半脊急歸道
院了殘書意行花底尋燈處失脚偏嗔小史扶

金鳳花

細看金鳳小花叢費盡司花染作工雪色白邊袍

色紫更饒深淺四般紅

雨後郡圃行散

剡池一日百週遭雨後閑來照鬢毛
主管園林鶯稱意巡行荷芰鷺宣勞
不須見我還飛去便與移文告汝曹
一事慍人無問處南山高是北山高

然 閏五月十四日因哭小孫子蓬孫歸志浩

憲孫哭了哭蓬孫老眼元枯也濕巾名宦何須深
掉脚山林從此早抽身禍無避處唯辭福命不如
渠強學人吟了此詩還毀了莫令一讀一傷神憲

二孫
小字

感興

去國還家一歲陰
鳳山錦水更登臨
別來蠻觸幾百戰
險盡山川多少心
何似閑人無藉在
不妨冷眼看昇沉
荷花正鬧蓮蓬嫩
月下松醪且滿斟

後圃散策

花徑雨後涼
樹聲風外戰
杖屨頭輕鬆
兒女同行散
少者前已失
老者後仍倦
隔林吹笑語
相聞如對面
明明去人近
眇眇彌步遠
松杉滿地影
一瞬忽不見
仰觀紫日輪
偶度白雲片
佳處留再來
前

山未須徧

筠菴晚睡

碧玉新篁翳洞天，絃珉方斛貯山泉。
脫巾赤腳長松下，何處人間更有僊。

一戶元無白板遮，兩牕新染藕絲紗。
竹床品字排三隻，睡殺山風醉殺霞。

享了荷花上番去香，却穿竹徑百弓長。
滿園亭榭都參遍，祇有筠菴第一涼。

觀迎神小兒社

花帽銖來重綃裳，水樣秋強行終較嬾。
妍唱却成

羞鸚鵡棲葱指芙蓉載錦舟休看小兒社只益老人愁

寄奉新鍾宰

傳語清心閣欣逢詩主人鷺花無恙否風月一番
新舊日行吟處今來跡已陳應憐楊縣尹鬢鬢兩
如銀

兩後曉登碧落堂

清晨上碧落親手啓後戶斜東見西山粹碧無纖
霧瀆吏半掩間冉冉動微絮吹作千峯雲立變萬
姿度正北尋米山遙隔一片雨亭亭如仙子曉起

澣月露天衣異人世一色製輕素兩山誰不奇裴
回未能去

玉井亭觀白蓮

紅芙蓉雜白芙蓉紅底終稠白底疎速折當頭一
蓮葉莫令遮却雪肌膚

白蓮出水是青蓮昨日微舒帶酒顏
踏月來看開盡了露華新洗玉杯寒

新秋晚酌

胡床東鄉坐秋風忽淒其老夫衰病骨急令閉東
扉西扉亦半掩歷風作東吹何必風及我風入涼

自馳脫蟬見誰說我飲渠便知飛從何方來徑集
庭樹枝三歎復九詠話盡新秋悲我老悲已忘汝
語復為誰老烏啼一聲不知蟬所之

碧落堂曉望荷山

荷山非不高城裏自不見一登碧落堂山色正對
面如人卧平地躍起立天半指揮出伏兵萬騎橫
隔岸後乘來未已前驅瞻已遠晨光到巖岳人物
俱舊綸綠屏紛開闔翠旗閃舒卷安得垂天虹橋
虛度雲嶽老鈴偶報事郡庭集賓贊忽忽換山巾
默默下林坂

午憩筠菴

筠菴偶坐處適當樹闕間
遠山不見我而我見遠
山清風隔江來宛轉入松關
翠蕉自搖扇白羽得
暫閑可憐三竹床睡徧
復循環秋暑自秋暑山寒
自山寒小吟聊適意美惡不必刪

題無訟堂屏上袁安卧雪圖

雲牕避三伏竹床橫一丈
退食急袒跣病身聊偃
仰有夢元無夢似想亦非想
蒲堂寢冥晦寒陰起
木棘爽門外日如焚屏間雪如掌
蕭然聳毛髮皎若
照襟幌拔地排瑤松倚天立
銀嶂遙見幽人廬茅

棟廡欲響有客叩柴門高軒隘村巷剝啄久不聞
徒倚覺深悵幽人寐政熟何知有令長誰作卧雪
圖我得洗炎瘴

七月十日大雨曉霽登碧落堂

青天送歸雲整如勞還師顏行有喜色廝役爭奔
隨晨曦映踈雨寶燈貫銀絲落面何曾濕灑空不
勝微老夫銳登山半嶺驚欲歸仰視得竒觀徒倚
為久之誰言李成巧此畫天下稀却登碧落堂四
面天風吹葛製忍秋寒前夕酷暑時

微雨玉井亭觀荷

猛雨打萬荷怒聲戰秋聲水銀忽成泓一寫無復
遺不如微雨來翠盤萬珠璣荷翻珠不落細響密
更稀清如雪觸窓三更夢間時語君君不信對境
當自知

碧落堂晚望

暮笳聲裏暮雲生白白非煙覆一城祇有青林遮
不得兜羅綿上綠琴橫

觀書

書冊不可逢逢得放不得看得眼昏花放了還太
息掩卷味方深豈問忘與憶是身何曾動忽然起

八極祗言半窻間不是華胥國

中元日曉登碧落堂望南北山二首

節裏少公事底忙起侵晨望秋怯殘暑及此東未
瞰登山俯平野萬岳皆白雲身在白雲上不知雲
繞身

米山不知重近見三兩疊遠者淡不真眇與天相
接晨光染紅雲正向山外貼映出青萬層還與雲
俱滅

谷陸務觀佛祖道院之戲

老禪分得破叢林薄供微齋也不曾道院勅差權

院事筠菴身是住菴僧人間赤日方如火松下清
風獨似冰別有暮春沂水在為君一滴灑千燈

寄中洲茶與尤延之延之有詩再寄黃檗
茶仍和其韻

詩人可笑信虛名擊節茶芽意不輕甬許中洲真
後輩與君顧渚敢連衡山中寄去無多子天上歸
來太瘦生更送玉塵澆錫水為搜孔思攬周情

延之寄詩覓道院集遣騎送呈和韻謝之
與君鬢髮揔星星詩句輸君老更成別去多時頻
夢見夜來一雨又秋生故人金石情猶在贈我瓊

据雪似清誰把尤揚語同日不教李杜獨齊名

祗 召還京題江西道院

病身祗要早投閑
气得高安政小安
山水秋來渾是畫
樓臺高處自生寒
登臨未足還辭去
老大重來畢竟難
碧落翠微好將息
清風明月夢中看

郡

鳳山佳處有碧落堂翠微亭

問塗有日戲題郡圃

今年郡圃放游人
懊惱遊人作撻春
到得老夫來散策
亂吹花片摠成塵
商量歲後牢關鎖
拘管風光屬病身
造物嗔儂先遣去
遣儂去不須嗔

辭樓真室蓋晉僊人李八百故居之址中
有遺像云

李真宅子故依然道院西偏古洞前一日身游八
百里三番花落九千年劍池丹井俱蒼薛絳節霓
旌已碧天情問飛僊那用步步行猶是地行僊

留題筠菴以茅蓋層出如蓑衣然

茂林脩竹翠光中那得披蓑一老翁白石砌成珠
子徑黃茅裹却水晶宮夏涼冬暖非人境雪打霜
封即釣篷老子明朝便東去更攜瓦枕享松風

留題碧落堂

僊人白日上青冥千載如聞月下笙南北萬山俱
在下中間一水獨穿城江西箇是絕奇處天下幾
多虛得名勝閣孤臺非不好秬緣猶帶市朝聲

盤風明發生米市西林寺進退格
貪睡能無起挑燈強未殘春聲忙野店月色澹柴
門又陷黃塵路前追紅葉村秋衣那敢薄病骨自
難温

出自生米小路出舞陽渡

天下音歸也

獨徑千盤繞水田初逢官路一欣然舞陽渡口新
河水白髮重來二十年

羲娥謠

中秋夜宿辟邪市誥朝早起曉星已上日欲
出而月未落光景萬變蓋天下奇觀也作羲
娥謠以紀之

羲和夢破欲啓行紫金畢連啼一聲聲從天上落
人世千村萬落雞爭鳴素娥西征未歸去敲弄銀
盤浣風露一丸玉彈東飛來打落桂林雪毛兔誰
將紅錦幕半天赤光絳氣貫山川須臾却駕丹砂
轂推上寒空輾蒼玉詩翁已行十里強羲和早起
道無雙

小憩土坊鎮新店進退格

下轎逢新店排門得小軒中間一棊兒相對兩蒲
團椽竹青留節檐茅白帶根明窻有遺恨接處紙
痕斑

過羅溪南望撫州泉嶺

泉嶺諸峯太劣生與儂爭走學儂行蒼官總上山
頭去一色前驅妮翠旌

羅溪望夫嶺

小憩村店問嶺名云望夫七娘歲旱禱雨必
應

藁砧不寄大刀頭化作峯頭石也愁豈有心情管
風雨向人彈淚繞天流

題羅溪李店

棟宇整齊窻戶明一峯對面一江橫下程長是無
佳店佳店偏當未下程

羅溪道中

每歲秋猶熱今年閏故涼松稀青有數山遠碧無
常陣陣金風細家家玉粒香祇言官路短堆子暗
添長

嘉定元年春三月男

長孺


編定

端平元年夏五月門人羅

茂良

校正

誠齋集卷第二十五終



誠齋集卷第二十六

廬陵楊

万里

廷秀

詩

江西道院集

戲贈江干蘆花

避世水雲國卜鄰鷗鷺家風前揮玉塵霜後幻楊
花骨相緣詩瘦秋聲許月華欲招蘆處士歸共老
生涯

詠十里塘姜店水亭前竹林

一見此君面荒村不是村斜陽與可筆棲雀子猷

魂客思方無那詩愁得共論問渠能飲否把酒酌
霜根

題姜店水亭子

簾拂雲間竹牖搖水下天欄干斜倚處風物正凄
然送眼看群叟收曾得小鮮可憐碧玉沼不種一
枝蓮

待家釀未至且買姜店村酒

奔走人都倦擔漿酒未來那能待竹葉隨喜喚茅
柴蘆菔仍多煮菴摩帶淺煨深村市無肉草草兩
三盃

十里塘觀魚

予晚宿十里塘姜店見漁者紛集勞而無獲
蓋塘主已盡其利因不禁漁者故也嘲以絕

句

銀塘打盡萬銀梭
岸上笞笞來正多
船載月明猶有月
無船無月欲如何

再觀十里塘捕魚有歎

漁者都星散
那知不是真
忽然重舉網
何許有逃鱗
暗漉泥中玉
光跳日下銀
江湖無避處
而况野塘濱

題十里塘夜景

物色當秋半
登臨更夜闌
山光倒眠水
水影上搖
山宿鷺都飛去
漁人獨未還
老夫與明月
分割一清灣

南望閣皂山

予去歲歸舟至豫章即望見閣皂山
今月十四日曉過生米渡復見此山
自此日見之愈遠愈見十七日未至進賢縣五里所
乃不見

慙愧多情閣皂山
去年迎我上西船
今來送我還

東去四日相隨到進賢

晨炊熊家莊

朝饑一眼望炊煙繞盡長溪過盡山承露絲囊世
無樣蜘蛛偷得掛籬間

道傍小松

小松如小兒能坐未能立亂髮覆地皮勁氣排雪
汁誰將救渴手種此青戢戢秋陽暴行人清蔭何
時及

行役有歎

去年巧西歸謂可休餘生今年復東下駕言入神

京卧治方小安趨召豈不榮何如還家樂醉吟聽
溪聲百年幾暄涼再歲三征行却羨路旁叟白首
不到城人生如風花去來能與爭且隨風吹起會
當風自停

山店松聲

脩塗殘暑僕夫勞午憩茅擔尺許高忽有涼風颭
然起小松呼舞大松號
松本無聲風亦無適然相值兩相呼非金非石非
絲竹萬頃雲濤殷五湖

池陂鄧店松林

破店誰相伴
疎松對作行
捲鱗乾不脫
落子折猶香
聲攪三更夢
陰和片月涼
吾廬萬株碧
回首暮蒼蒼

嘗諸店酒醉吟二首

飲酒定不醉
嘗酒方有味
清濁與醇醜
雜酌注愁肺
偶爾遇真趣
頽然得佳寐
醒人作醉語
語好終不是

我飲無定數
一盃復一盃
醉來我自止
不須問樽罍
白眼望青天
為我開青天
不開時我醉
眠

蒼苔

煙林曉望

一疊青松一疊煙橫鋪平野有無間真成萬丈鵝
溪綃畫出江西秋曉山
也沒炊煙也沒雲日光烘起楚山氣却將重碧施
輕素不見天工一筆痕

過土箕岡

木落初宜菜亭荒不復茅牛分叉路口鶴立禿松
梢秋熱方昇日朝涼更迥郊衰年走塵鞅何計返
雲巢

曉風

臘暑遲旋旆新風急解紛白翻蕎處雪黃擺稻中
雲動地休多怒披襟且一欣長松十里徑樹樹供
清聞

晨炊旱塘

一歲官拘守一州天將行役賜清游青山綠水留
連客碧樹丹楓點綴秋夜夢盡思都是景左來右
去不勝酬我無韋偃丹青手只向囊中句裏收

進賢初食白菜因名之以水精

菜云

新春雲子滑流匙更嚼水蔬與雪齧靈隱山前水

精菜近來種子到江西

江西菜甲帶霜栽逗到炎天總不佳浪說水菘水
蘆蕪硬根瘦葉似生柴

田家樂

稻穗堆場穀滿車家家雞犬更來麻漫栽木槿成
籬落已得清陰又得花

道傍怪松

夾道長松去去幽一松竒怪獨凌秋兩枝垂地却
翻上活走雙龍戲翠毬

過澗陂橋

潤陂初上板橋時欲入江東尚未知忽見橋心界
牌子脚根一半出江西

却憶庚寅侍板輿過橋橋斷費人扶重來一見新
橋了淚濕秋風眼欲枯

歷覽溪中有底鳴蕭然蘆葉蓼花汀元來轆頂鳴
鳴響將謂風聲是鴈聲

小憩揭家岡諦觀桐陰

仰看陽光只見空不如影裏看梧桐莫言月脚無
行跡偷轉零分破寸中

宿化斜橋見雞冠花

出牆那得又高雞只露紅冠
隔錦衣却是吳兒工
料事會稽真箇不能啼

陳倉金碧夜雙斜一隻今樓紀
消家別有飛來矮
人國化成玉樹後庭花

小箬嶺望見靈山

青鞋紫陌倦黃埃送眼靈山一快哉
碧玉熏爐天半立青蓮花萼霧中開
宿雲準擬偷將去曉日殷
勤喚出來欲琢新詩銳絕壁梯空上去御風回

入玉山七里頭

諸村不雨數旬餘此地瀕江萬寶蘇
晚紫豆花初

總角早黃稻穗已長鬚回頭金步野徑遠當面王

山秋塔孤偶見年時解船處客愁依舊掛菰蒲洪筠

小路至餘干金步市初出官路

過玉山東三塘

筍輿拾得小涼天旋與開窓急捲簾十里輕雲閣

秋日日光移在遠峯尖

遠峯隔水醒人心一半斜陽一半陰僊子更衣脫

粧束紫茸領子翠毛衫

赤日中途綠樹陰肯將碧織借行人片雲忽在樹

頭上失却勲勞底得身

身行衢信兩中間夾路尖峯面面寒只道秋山似
春筍不知春筍似秋山

線車香裏過征衫白繭黃絲兩兩三不是秋風上
饒路一生不信有冰蠶

金雞石在玉山東

相傳石裏兩金雞不記胡商鑿取時一隻遭槍一
飛去至今月落不曾啼

頭高尾下翠毵毵却恐相傳是妄談十七裡頭徐
老店檐東道北北橋南

秋山

休道秋山索莫人四時各自一番新西風儘有東
風手拂葉楓林別樣春
烏臼平生老染工錯將鐵皂作猩紅小楓一夜偷
天酒却倩孤松掩醉容
宿杏瀨

寒流一帶檻前橫落日諸峯霞外明水斷新洲添
五里客尋舊路却重行江車自轉非人蹈沙碓長
春徹夜鳴疇昔穉來今禿樹如何白髮不教生

耕楮江濱芙蓉一株發紅白二色

芙蓉照水弄嬌斜白白紅紅各一家近日司花出

新巧一枝能著兩般花

司花手法我能知說破當知未大奇
亂剪素羅裝一樹略將數朶蘸燕支

過上湖嶺望招賢江南北山

遠山高絕近山低未必低
山肯下伊定是遠山矜
狡獪跳青湧碧角幽奇

崩下看山似伏濤見人上嶺旋爭豪
一登一陟一回顧我脚高時他更高

一水橫拖兩片峯千痕萬摺碧重重
誰言老子經行處身在江山障子中

曉日秋山破格奇，青紅明滅舞清漪。
畫工著色饒渠巧，便有此容無此姿。

觀田中鸚鵡啄粟，因悟象耕鳥耘之說，戲

題

烏衣緇布外無華，白錦中軍分外嘉。
只麼跳行人不覺，忽然飛起自成花。

粟黃蕎麥白未全，秋誰報烏衣。
早作偷只在林梢菜倉廩，便知去處若為搜。

衢州近城果園

未到衢州五里時，果林一望蔽江湄。
黃柑綠橘深

紅柿樹樹無風縋脫枝

過三衢徐載叔抹菊載酒夜酌走筆

征塗半月客塵黃
今夕初逢一雨涼
冷笑菊花堪計會
為君八月作重陽

疾風動地雨傾荷
一事商量君信麼
談問糟床與檐溜
雨聲何似酒聲多

浮石清曉放船遇雨

破曉開船船正行
忽然頭上片雲生
秋江得雨茶鼎沸
怒點打蓬荷葉鳴
遠聽灘喧心欲碎
近看浪戰眼初明
夜來暗長前村水
絕喜舟人好語聲

船過硯石步

雨中初厭蕩蓬遮，撐起蓬來景更佳。
岸上長松立如筆，波中寒影走成蛇。
忽看雲外吐銀鏡，一點晨光射玉沙。
却出船頭聊放目，遠峯無數碧橫斜。

下雞鳴山諸灘望柯山不見

地近蓮花江漸深，一灘一過快人心。
貪看下水船如箭，失却柯山無處尋。

莫怪諸灘水怒規，下灘不似上灘勞。
長年三老無多巧，穩送鷺湍只一篙。

却憶歸舟是去年，上灘渾似上青天。
諸灘知我懷

餘怨急送秋風下水船

過章戴岸

山水教無暑牛羊報有村
近沙經雨淨遠樹入煙昏
奔走何時了升沉未要論
江鷗大自在雪影正孤翻

港汊村村出江流節節添
可憐千嶂好輪與一峯尖
過雨日初軟順風波更恬
旋寒篷作屋更掛簾為簾

江水

水色本正白積深自成綠
江妃將底藥軟此千里

玉詩人酒未醒快吸一川綠無物燕清甘和露嚼

野菊

晨炊泊楊村

沙步未多遠里名還異原對江穿野店各路入深

村秋水乘新汲春芽煮不渾舟中爭上岸竹裏有

清樽

觀水歎二首

我方卧舟中仰讀淵明詩忽聞灘聲急起視惟恐

遲八月濺飛雪清覽良獨竒好風從天來偷然吹

我衣涼生固足樂氣變亦可悲春熱慨此水念我

年少時迄今四十年往來九東西此日順流下何
日沂流歸出處未可必一笑姑置之天來命然如
亂石厄江水要使水無路不知石愈密激得水彌
怒回鋒打別港勇往遮不住我舟歷諸灘闕盡水
態度一聞一喜觀屢過屢驚顧不是見不多觀覽
不足故舟人笑我癡癡豔未易語

九月一日夜宿盈川市

下灘一日抵三程到得盈川也發更兩岸漁樵稍
燈火滿江風露更波聲病身只合山間老半世長
懷客裏情西畔大星如玉李伴人不睡向人明

舟過柴步寺

野寺隔踈樾，遠舟見深殿。獨徑通絕崖，長縈度微
線。曩游攜重弱，攀岸已震眩。前瞻足未到，下窺意
先轉。朝來經雲根，塵思起清羨。野夫三二輩，走過
疾於箭。俛仰二十年，今老懷昔健。

舟過青半望橫山塔

莫問蘭溪雙隻牌，青半已見玉崔嵬。去年辭了橫
山塔，不謂今年却再來。

孤塔分明是故人，一回一見一情親。朝來走上山
頭望，報道蘭溪酒恰新。

過金臺望橫山塔

昨夜愁勤雨今朝喜嬾風
金臺斜岸北玉塔正船
東灘改呈新磧山回隱
暗峯蘭溪水亭子作意定
留儂

下橫山灘頭望金華山

篙師只管信船流不作前灘水石謀
却被驚湍旋三轉倒將船尾作船頭

山思江情不負伊兩姿晴態總成奇
閉門覓句非詩法只是征行自有詩

道是蘭溪水較寬蘭溪欲到怪生難
後船只羨前

船快不覺前船閣在灘
玉立金拳霄漢間帝封天女錫仙山被他走下巖
灘去一水窮追竟不還

過橫山塔下

隔岸山迎我沿江柳拜人日搖秋水面波閃白龍
鱗不遣船迷路俱從塔問津一生將玉鏡千古照
金身

出橫山江口

白壁當江岸青旗定酒家斷崖侵屋窄細路入門
斜縣近瞻雙塔洲橫隔一沙何須後來客始信此

詩嘉

蘭溪雙塔

高塔無尖低塔尖一披錦衲一銀衫問渠何故終
不語却倩灘聲替佛談

宿蘭溪水驛前三首

繫纜蘭溪岸開襟柳驛窻人爭趨夜市月自浴秋
江燈火踈還密帆檣隻更雙平生經此縣今夕駐
孤幢

合眼皮吹枕開篷月入船竒哉一江水寫此二更
天剩欲酬清賞翻愁敗醉眠今宵懷昨夕兩卧萬

峯前

水色秋逾白山光夜不青一眉畫天月萬粟種江
星小酌居然醉當風不覺醒誰家教兒子清誦隔
疎櫓

過石塘

萬石中通一線流千盤百折過孤舟灘頭未下人
猶笑下了灘頭始覺愁

烏祈酒

入到嚴州不識田一江兩岸萬青山烏祈酒味君
休問費盡江波賣盡錢

毛永烏祈山兩崖家家酒肆向江開也知第一蒲
萄色只問米從何處來

毛永烏祈
皆地名

過白沙竹枝歌

穹崖絕嶂入雲天烏鵲繞飛半壁間
遠渚長汀草如積牛羊湏上最高山

田畝渾無寸尺強真成水國更山響
夾江黃去堤粟粟一望青來谷谷棗

絕憐山崦兩三家不種香秔只種麻
耕徧沿堤鋤徧嶺都來能得幾生涯

東公西沂浙江津去去來來暮復晨
上岸牽橋推

釋子隔船招手認鄉人

昨日下午灘風打頭羨他上水似輕鷗朝來上水帆
都卸真箇輕鷗也自愁

絕壁臨江千尺餘上頭一徑過肩輿舟人仰看瞻
俱破為問行人知得無

過烏石大小二浪灘俗呼浪為郎因戲作

竹枝歌二首

灘聲十里響千聲躍雪跳霜入眼奇記得年時上
灘苦如今也有下灘時

小郎灘下大郎灘伯仲分司水府關誰為行媒教

作贅大姑山與小姑山

過嚴州章村放歌

石崖削得瘦到筋半點也無塵土痕正如後猊走
得渴下赴江水一口吞嚴灘過却烏龍背兩岸秋
山夾秋水舟中小酌亦不遑眼底生愁失蒼翠尖
峯已自刺大厘峯頭更立玉浮屠好山千隻復萬
隻家裏門前一隻無

晚過側溪山下

看山妙處幾曾知落照斜明始覺奇
皺盡衣裳紋欲裂爭先頭角遠相追
松梢別放六峯出江底倒

將千嶂垂一路詩篇渾漫興側溪端的不相虧

自嘲白鬚

強惜數莖鬚惟愁白却渠朝來都白盡愁惜兩何
如
客傳涅鬚法老子付一笑借令白再玄能今年再
少

涅鬚只誑客那可誑妻兒誑得妻兒着還能誑面
皮

夜宿東渚放歌三首

前山欺我船兀兀結約江妃行小譎乘我船搖忽

遠逃見我船定還孤出老夫敢與山爭強受侮不
可更禁當醉立船頭看到夕不知山於何許藏
看山須看山表裏不然看山還誤事平時只愛萬
峯青落日惟存數尖紫浙江船上多少人往來看
山誰識真丁寧舟人莫浪語却恐兒輩不肯去
天公要飽詩人眼生愁秋山太枯淡旋裁蜀錦展
吳霞低低抹在秋山半須臾紅錦作翠紗機頭織出
暮歸鴉暮鴉翠紗忽不見只見澄江淨如練

舟中夜坐

與月隔一簾去天爭半篷若無篷與簾身在大虛

中

富陽曉望

江氛海霧暗前村
四望秋空一白雲
忽有數峯雲上出
好山何故惣無根

楊村園戶栽芙蓉為塹一路凡數萬枝

揚村江上繞江園
十里霜紅爛欲燃
都種芙蓉作籬落
真將綿繡裏山川
晚粧照水密如積
春色入秋寒
更鮮客舍瓶中兩
三朶可憐向客強
嬋娟

贈法才師

平江淨慧法才長老
求予書壺天歸雲

四大字因作四十字以問之

才公南華別不見八年許辨香宗混融隻眼半唐
舉聊將箏篋紫戲作冠劍語天還在壺中雲却歸
何處

為崇辦法灑師作林野二大字

天下何人不愛官棄官出世古今難向來一覺鈞
天夢便作林居野處看

跋徐恭仲省幹近詩

仰枕糟丘俯墨池左提大劍右毛錐朝蘭夕菊都
餐却更斫生柴爛煮詩

君家詩伯老師川
解道蘆花落釣船
莫笑東湖秋水冷
近來新吐一枝蓮

傳派傳宗我替羞
作家各自一風流
黃陳離下休安脚
陶謝行前更出頭

送顏幾聖龍學尚書出守泉州

聽履星辰北斗寒
三能只隔寸雲間
周家冢宰均四海
漢制尚書本百官
鸞鷲班齊瞻進步
鳳凰池近却飛還
河圖冠出西清上
莫作尋常五馬看

右一用進退格

我肯綾衾下直時
公為壁水大宗師
清風明月行

樂耳布襪青鞋隨所之顛倒壺觴留落日翻騰山
水入新詩我來公去如相避送眼行塵不得追

右一用近體

寓仙林寺待班戲題

聽書鍾魚半月聲浪傳移住竟何曾莫教少欠叢
林債更作今宵且過僧

送殘秋

余七月間在高安郡治一夕夢至脩門外宿
留旅邸問逆旅主人地名謂何荅云送殘秋
莫曉其意八月十二日拜

召命是日啓行九月十二日入脩門寓仙林
寺至十月三日

奏事

選德殿竟送殘秋云

夢游帝里送殘秋重九真為帝里游十月初頭方
賜對癡兒狂却一生愁

自跋江西道院集戲答客問

問我來朝南內南便從花底赴朝參新詩猶作江
西集為帶筠州刺史銜

時召命以筠
州守臣奏事

嘉定元年春三月男

長孺

編定

端平元年夏五月門人羅

茂良

校正

誠齋集卷第二十六終

誠齋集卷第二十七

廬陵楊

万里

廷秀

詩

朝天續集

和陸務觀見賀歸館之韻

君詩如精金人手知價重鑄作鼎及鼎所向一一
中我如駑並驥夷塗不應共難追紫蛇電徒掣青
絲鞭折膠偶投漆異榻豈同夢不知清廟茅可望
明堂棟平生憐坡老高眼薄蕭統渠若有猗那心
肯師晉宋破琴聊再行新笛正三弄因君發狂言

湖山春已動

即堂對 銜命郊勞使客船
過崇德縣

北關落日送船行
欲到嘉興天已明
睡起一河水
片滿槳瓊拋玉夢中聲

水面光浮赤玉盤
也應知我牽去尖寒滿河圭璧

無人要吹入詩翁凍筆端

岸樹低欹一雪餘
枝頭半葉已全無
油窓過盡千
梢影濃處還濃枯處枯

讀笠澤叢書

笠澤詩名千載香
一回一讀劫人腸
晚唐異味同

誰賞近日詩人輕晚唐

松江縣尹送圖經中有唐詩喜不勝看到燈青仍
火冷雙眸如割脚如水
拈着唐詩廢晚餐傍人笑我病詩癩世間尤物言
西子西子何曾直一錢

船過蘓州

垂近姑蘓特轉灣盤門只隔柳行間望來望去何
時到且倚船窓看遠山
暮風似箭復如刀落照那能暖客袍天遠地平城
更闌千尋玉塔尺來高

五更過無錫縣寄懷范參政允侍郎

蕪州欲見石湖老到得蕪州發更了錫山欲見允
梁溪過却錫山元不知起來靈巖在何許回首惠
山亦無處又生萬事不可期快然却向常州去回

午過橫林回望惠山

道是水銷快水程不知青女解藏冰蘆花多處竹
陰底砌作瑤堤不計層
雪餘官路已生塵猶喜長河水稍深恨殺惠山尋
不見忽然追我到橫林

晚過常州

常州曾作兩年住一別重來十年許
岸頭楊柳記得無總是行春繫舩處
自笑恍如丁令威老懷成喜亦成
悲人民城郭依然是只有向來鬚鬢非

望多稼亭

遙望城頭多稼亭亭邊霜檜老更青
當年老守攜穉子芒鞋葵扇繞城行
臘前移梅春挿柳躡雪衝泥不停手
柳未成陰梅未花著帽又迎新太守
後來新守復迎新到今新舊知幾人
向來手植今在否寄與此詩聊問春

晚日

日影穿波跳碎銀波光弄日走寒星一時飛入船
窻裏萬草千花變未停

貪看波日弄船窻竒觀人間不作雙忽被竹陰偷
捲去只餘一面撥醅釭

舟中追和張功父賀赴召之句

兩歲千愁寡一欣故人多問謝張君又瞻東關闕
前月只負南溪溪上雲賓日扶策遭聖且容星釣
瀨愧天文人生離合風前兼聚首七何復離群

余
居里名
南溪

又追和功父病起寄謝之韻

霜何曾傍繡簾寒酒不能令客臉丹勤向竹廬溫
手脚嬾尋銅鏡正衣冠無人孤坐月將落擁鼻清
吟夜向闌忽憶約齋詩債在自吹燈火起來看

木凋曉過丹陽縣

朝來稍敢出船門霜熟依然冷逼人刮地風來何
處避可憐片篠猛回身

風從船裏出船前漲起簾幃紫拂天點檢風來無
處覓破窻一隙小於錢

朱簷碧瓦照青瀾紫館佳亭使往還船上高橋三
十尺市人倚折石欄干

雞犬漁翁共一船生涯都在簑篷間小兒不耐初
長日自織筠籃勝打閑
水從常潤路都迷曲曲長河曲曲堤不是兩牕供
月脚更無南北與東西

練湖放閘

滿耳雷聲動地來窺窓銀浪打船開練湖纔放一
寸水跳作永河萬雪堆

水簾南舒去轉虛天簷北卸望來無相傳一萬四
千頃老眼初驚見練湖
霽回曾過張王廟

地迫人煙寂山盤水勢回怪松欹岸出古廟背河
開晚色催征棹斜陽戀去梳丹徒誰道遠一眺正
悠哉

舟中晚望

河岸前頭松樹林樹林盡處見行人行人又被山
遮劫風颭酒家青布巾

晚浪翻風玉作鱗夕陽捲玉藥成金忽然濯出西
川錦製就霞衣不用針

晚風

晚日暄溫稍霽威晚風豪橫大相欺做寒做冷何

須怒來早一霜誰不知

晚風不許鑑清漪却許重簾到地垂平野無山遮
落月西窗紅到月來時

未到丹從二十里間見石翁石婆

詔許詩人江海游丹徒初到晉徐州爐邊腸谷日
長晝瓊底醉鄉天不秋六代興云何處問一生奔
走幾時休石翁石媪霜前笑管得南朝陵墓愁

暮經新豐市望遠山

小市寒仍靜斜陽澹欲晡偶看平野去不是遠山
無處處遮船住家家有酒酌朱樓臨碧水曾駐玉

鑾輿

高宗親征嘗小憩於此樓至今尚鑰土人云

小泊新豐市

也知小倦泊樓船何苦爭先柳岸邊
須把碧篙搖綠淨舟人不惜水中天

曉泊丹陽館

夕凍朝還積寒曦暖未多霜
輕猶著草冰重亦浮河山盡
酣餘勢潮歸殿去波六朝遺迹在
故老尚傳麼

題連滄觀呈太守張幾仲

開窓納盡大江秋天半飛樓不是樓
獨立南徐鼇

絕頂下臨北固虎回頭蒜山旧址空黃鶴瓜步新城照白鷗好事主人酌詩客風烟一眼到揚州

舟陽舍舟登車渡江

小泊樓船鐵甕城匆匆又作絕江行看他蠟燭幾回剪聽盡雞聲不肯明水底霜寒還十倍夜來月上恰三更篙師好語君知否江面侵晨鏡樣平

過揚子江

祇有清霜凍太空更無半點荻花風天開雲霧東南碧月射波濤上下紅千載英雄鴻去外六朝形勝雪晴中攜瓶自汲江心水要試煎茶第一功

天將天塹護吳天不數殽函百二關萬里銀河瀉
瓊海一雙玉塔表金山旌旗隔岸淮南近鼓角吹
霜塞北閑多謝江神風色好滄波千頃片時間

過瓜洲鎮

夜愁風浪不成眠曉渡清平却宴然數捧金鉞到
江步一攜霜日上淮船佛狸馬死無遺骨阿亮臺
傾只野田南北休兵三十載素疇麥壠正連天

元顏

亮辛巳南築臺望江
受誅其上土人云

皂角林

水漾霜風冷客襟苔封戰骨動人心河邊獨樹知

何木今古相傳皂角林

舟過揚子橋遠望

此日淮堧號北邊
舊時南服紀淮堧
平蕪盡處渾無壁
遠樹梢頭便是天
今古戰場誰勝負
華夷陰要豈山川
六朝未可輕嘲謗
王謝諸賢不偶然

晚泊揚州

揚子橋西轉
絲航粉城如練
是維楊百年
舊觀兵戈後
近歲新開
草木荒傑閣
高臺雲上出
野梅官柳雪中香
史君領客
週遭看走馬
歸舩欲夕陽

過高郵

解纜維揚欲夕陽過舟粟盜已晨光夾河漁屋都
編荻背日船篷尚滿霜城外城中四通水堤南堤
北萬垂揚一州斗大君休笑國士秦卽此故鄉

過覽社諸湖進退格東西長七十里南北

闊五十里

為愛淮中掌似平忽逢巨浸却心驚怪來萬頃不
生浪凍合五湖都是冰碧玉湖寬容我到白銀地
滑沒人行茲游只道清無價清殺詩翁老不勝高

西北有新開覽社塘下五湖平阿七里張良味湖

又有姜里石田鵝兒白凡十一湖相連內有一灣

名子父灣

見圖經

湖天暮景

湖面黏天不見堤湖心芟葑水周圍暮鴻成陣鴉
成隊已落還飛久未棲

坐看西日落湖濱不是山銜不是雲寸寸低來忽
全沒分明入水只無痕

抵暮漁郎初上船一竿搖入水精天忍寒不睡妨
底事來早賣魚充酒錢

凋碎肝脾只坐詩鬚髯成雪鬢成絲暮雲薄倖斜
陽劣合音關造清愁付阿誰

斷腸浪說賀方回未抵秦郎翦水才欲向湖邊問

遺唱鴛鴦鸚鵡兩相推

曉霜過寶應縣

江南霜重莫嫌渠
草上還多樹上無
淮甸曉來霜似雪
瓊田千里玉平鋪

看來不信是霜華
白日青天散曉霞
只怪野田生玉樹
更於臘月發瓊花

落木枯林一夜蘓
枝節節糝瓊酥
看來忘却臘前景
一色李花三月初

登楚州城

望中白處日爭明
箇是淮河凍作冰
此去中原三

里許一條玉帶界天橫

初食淮白

淮白須將淮水煮
江南水煮正相違
霜吹柳葉落
都盡魚喫雪花方解肥
醉卧糟丘名不惡
下來鹽豉味全非
饕餮人且莫
供羊酪更買銀刀三尺圍

淮人云白魚食雪乃肥

清曉洪澤放閘四絕句

起來霜重滿淮船
更覺今朝分外寒
放閘老兵殊耐冷
一絲不挂下水灘

滿閘浮河是斷水
等人放閘要前行
方能開得兩

三板爭作摧瓊裂玉聲

遮藏水面被殘水流盡殘水水正明幸自奔流總
驩喜落洪湏做不平聲

沿河過關夢中間竒觀何曾似此晨雪濺雷奔乍
明眼天跳地趨也驚人

初入淮河四絕句

船離洪澤岸頭沙入到淮河意不住何必乘乾方
是遠中流以北即天涯

劉岳張韓宣國威趙張二相築皇基長淮咫尺分
南北淩濕秋風欲怨誰

兩岸舟舩各背馳波浪交涉亦難為只餘鷗鷺無
拘管北去南來自在飛
中原父老莫空談逢着王人訴不堪却是歸鴻不
能語一年一度到江南

題盱眙軍東南第一山

第一山頭第一亭聞名未到負平生不因王事略
小出那得高人同此行万里中原青未了半篙淮
水碧無情登臨不覺風煙暮腸斷漁燈隔岸明
建隆家業大於天慶曆春風一万年廊廟謀謨出
童蔡笑談京洛博幽燕白溝旧在鴻溝外易水今

移淮水前川后年來世情了一波分護兩涯船
題盱眙軍玻璃泉

清如淮水未為佳泉迸淮山好煮茶鎔出玻璃開
海眼更和月露滄春芽仰看絕壁一千丈削下青
瓊無點瑕從事不澆愁肺渴臨泓帶雪吸冰花

盱眙軍東山飛步亭和大守霍和卿韻

杏花巖左斲東巖驅使淮山指顧間招信上流總
奔赴僧伽孤塔政彎環今來古往空陳跡遠草斜
陽秣慘顏走馬看山真懣懣忙中拾得片時間

初食大原生蒲萄時十二月二日

淮南蒲萄八月酸只可生喫不可乾
淮北蒲萄十月熟縱可作靶也無肉
老夫臘裏來都梁釘坐那得馬乳香
分明猶帶龍鬚在徑寸玄珠肥十倍
太原青霜熬絳錫甘露凍作紫水精
隆冬壓架無人摘雪打水封不曾折
風吹日炙不曾腊玉盤一朶直
萬錢與渠傾蓋真忘年君不見道逢
麴車口流涎

藥枯東坡餅筵詩序

餞飲東坡月三更中觴忽聞笙簫聲
杳杳若在雲霄間抑揚徃返中八音
徐而察之出双餅水火相

得自獻吟食頃乃已不可尋坐客驚歎得未曾八
月四七歲庚辰

與長孺共讀東坡詩前用唐律後用進退
格

急性平生不少徐讀書不喜喜觀書十行俱下未
心醒兩目頓昏還月餘偶與兒曹緒故紙共看詩
句煮春蔬問來却是東坡集久別相逢味勝初
枉看平生多少書分明便是蠹書魚萬籤過眼還
休去一字經心恰似無急讀何如徐讀妙共看更
勝獨看渠翹生冷笑仍相勸惜取殘零覓句鬚

嘲淮風進退格

絮帽貂裘莫出船北窓最緊且深關顛風無賴知
何故做雪不成空自寒不去掃清天北霧只來捲
起浪頭山便能吹倒僧伽塔未直先生一笑看

嘲淮浪

碧瑠璃地展青羅橫作一波仍萬波突起銀山倚
空立碎成雪陣掠人過爭先打岸終誰勝淘盡浮
沙奈汝何借與樓船泄餘怒搖來兀去儘從他

舟中不寐

醉去昏然卧綠窓醒來一枕好淒涼意中為許無

佳况夢裏分明到故鄉
淮水打船千浪雪燕鴻呼
月滿天霜山城更點元無準
偏到雞鳴分外長

隳括東坡觀碁詩引并四言詩

坡老獨徃到廬山白鶴觀
中俱畫眠只有碁聲人
不見寂然流水古松間

五老峯前松蔭庭風光清
美日華明獨游略不逢
一士時有紋枰落子聲

兩作抵暮復晴

棲鵲無陰庇濕衣
行人仄傘避斜絲
船兵歸後轎兵去
獨立淮河暮雨時

細雨如塵後似煙兩淮渡口各收船南商北賈俱
星散古廟無人燒紙錢

雨痕拂水有如無雨點飛空密後疎白鷺窺魚渾
欲下被風吹起不由渠

清平如席是淮流風起雷奔怒不休一浪飛來驚
落膽早知祇要打船頭

風伯顛狂太劣生兩師嬾困灑來輕若言不被雲
君誤誰放斜陽作晚晴

盱眙軍無梅郡圃止有蠟梅兩株

只道橫枝春未回又疑不肯犯寒開逢人問訊花

消息不識江梅只蠟梅

臘裏花開已是遲西湖十月見瓊肌
嶺頭猶說南枝暖却向淮南覓北枝

前苦寒歌

四大海湖打清淮三万里風平地來
龜山橫身攔不住潮波怒飛風倒回
欲晴不晴雪不雪併作苦寒凍人絕
古寺大鍾十字裂東山石崖一峯
巖勸君莫出君須出水脫君髯折君骨

淮河舟中曉起看雪

三日顛風刮地來不成一雪肯空回
何曾半點漏

春信只怪千花連夜開
頃刻裝嚴銀世界
中間徧滿玉樓臺
瓊船撐入玻璃園
琪樹瑤林不用栽

泊船

正在玻璃泉下

梅花腦子撒成雲
明月珠胎肩作塵
愛水舞來飛就影
怯風斜去却回身
真成一臘逢三白
併把三冬博一春
開放船窗儘渠入
天差滕六訪詩人

西江

田家諺云三冬不博一春

舟中雪作和沈虞卿寄雪詩韻

霜風吹舩著淮陰
淮山高高淮水深
津亭飲散浪如屋
篷牕曉起雪滿林
兩袖拂空捐舞片
數點落

几撩孤吟卷舒東陽琢冰句不羨銷金歌淺斟

煖熱兩生行

禿穎凍得鬚作冰老泓飲湯成水精先生定交兩
書生兩生號寒語不能先生自作飢蟲鳴夜檄祝
黜戰玄冥更遣紅玉十麒麟相與部領有脚春煖
熱兩生出精神兩生炙手淚縱橫疆和先生仄仄
平

淮河再雪

風打波頭波打船併來枕底攪清眼先生夜起蓬
牕看月滿長淮雪滿天

昨晡目脚盪波紅
今早天花舞鏡中
雪了又晴晴
又雪海神渾不惜神通

淮河中流肅使客

淮水中流各一波
南舩小住北舩過
生憎兩岸旌旗脚
引得霜風分外多

歸舟大雪中入運河過萬家湖

雪漫水面淡模糊
釀出羔兒酒一壺
已被羶腴駢醅醪
更添牛乳點春酥
銷金帳下有此否
藥玉舩中不用酤
忽見瓊缸清徹底
蒲萄一色萬家湖

過淮陰縣題韓信廟前用唐律後用進退

格

來時月黑過淮陰
歸路天花舞故城
一劍光寒千古淚
三家市出萬人英
少年跨下安無忤
老父北邊愕不平
人物若非觀歲暮
淮陰何必減宣成
鴻溝祇道萬夫雄
雲夢何銷武士功
九死不分天下鼎
一生還負室前鍾
古來大斃愁無蓋
此後會空悔作弓
兵火荒餘非旧廟
三間破屋兩株松

後苦寒歌

白鷗立雪脰透冷
鸕鷀避風飛不正
一雙野鴨欺晚寒
出沒水河底心性
絕憐紅船黃帽
卽綠蓑青

籜牽牙搗生愁隨指脫兩耳蘆花亦無何許藏遣
騎前頭買乾荻速烘燄火與一炙三足老鴉寒不
出看雲訥天天不泣

晚寒熾炭

老子平生不附炎雪間爐炭晚間添紅光亂折銀
花碎翠燄雙抽柳葉尖愛惜麒麟牢禁手驅除蠶
絮密垂簾急分一炬牽船底岸上霜風正似鎌

雪小齊順風過謝陽湖

都梁三月雪沒屋小船行水如行陸山陽一朝帆
遇風大船行水如行空昨來牽夫凍得泣買蘆燎

衣蘆自濕朝來牽夫皆上船收纜脫巾篷底眼樓
船忽然生兩翼橫飛直過陽侯國千村一抹片子
時四岸人家眼中失似聞咫尺是揚州更數寶應
兼高郵青天萬里當徑度不堪回首都梁路

夜過高郵

水鳥舟人兩不棲波聲風響總堪悲覺來枕上三
更後夢到江南一霎時邵伯問來還漸近高郵過
了不曾知滿天星月銀河濕明早新晴也太奇

嘉定元年春三月男

長孺

編定

端平元年夏五月門人羅

茂良

校正

誠齋集卷第二十七終

誠齋集卷第二十八

廬陵楊 万里

廷秀

詩

朝天續集

雪曉舟中生火

烏銀見火生綠霧便當水沉一濃炷却因新續更
氤氳散作霏微煖袍袴須臾霧霽吐紅光烟如雲
表昇扶桑陽春和日曛滿室蒼顏渥丹疑醉鄉忽
然火冷霧亦滅只見紅爐堆白雪窗外雪深三尺
強牕裏雪深一寸香

烏銀玉質金石聲見火忽學爆竹鳴
膈膈膈久不停白日坐上飛繁星
不知何怒泄不平不知何喜唧唧
吟待渠自靜勿與爭切莫備箸怒復生
到渠緘口兩耳熱銅餅在旁却饒舌

雪晴

天公有詔放朝晴排遣雲師嬾未行
頭上忽張青玉傘海東湧出紫金鉦
雪山冰谷居然暖銀屋瑤臺分外明
二十四船人笑語寒聲一變作春聲

晚晴

日光射雪雪透紅雪光射日日吐虹
何人鑄銀作

大地萬象都銀光中詩翁两眼老病裏愛看晚晴
聊仰視眼睛空花忽亂起紫暈一輪三萬里

甘露子一名地蠶

甘露子甘露子喚作地蠶亦良似不食柘朮不食
絲何須走入地底藏不能作繭不上簇如何也蒙
賜湯沐呼我果謂之果呼我藪謂之藪唐林晁錯
莫逢他高陽酒徒咀甬不搖牙

夜過揚州

祇今何許問迷樓更有垂楊記御溝除却瓊花與
紅藥揚州不是古揚州

新晴殘凍未全銷
月戀冰河雪戀橋
兩岸紅燈成白晝
揚州臘月看元宵

雪霽曉登金山

焦山東金山西金山
排霄南斗齊天將
三江五湖水併作一江
字揚子來從九天上
瀉入九地底遇嶽嶽
立摧逢石石立碎
乾坤氣力聚此江
一波打來誰敢當
金山一何強
上流獨立江中央
一塵不隨海風舞
一礫不隨海潮去
四旁無蒂下無根
浮空躍出江心住
金宮銀闕起峯頭
槌鼓撞鐘聞九州
詩人踏雪來清游
天風吹儂上瓊樓
不為浮玉

飲玉舟大江端的替人羞
金山端的替人愁

題金山妙高堂

金山未到時羨渠奄有萬里之長江
金山既到子長江不見只見千步廊
老夫平生不奈事點檢風光難可意
老僧覺我見睫眉引入妙高臺上嬉
不知老僧有妙手卷舒江山在懷袖
挂上西牕方丈間長江浮在爐煙端
長江南邊千萬山一時飛入兩眼寒
最愛簷前絕竒處江心峴然景純墓
僧言道許乃浪傳龍宮特書珠貝編
初去謝靈運變山如變命掇取天台
鴈蕩怪石頭疊作假山立中流

又云王逸少草聖入神妙天賜瑠璃筆拈玉硯屏
仍將大江作陶泓老夫聞二說沉吟未能決長年
抵死催上船徘徊欲去空茫然

竹枝歌

有序

晚發丹陽館下五更至丹陽縣舟人及牽夫
終夕有聲蓋謳吟獻詆以相其勞者其辭亦
略可辨有云張歌歌李歌歌大家着力齊一
拖又云一休休二休休月子彎彎照幾州其
聲凄婉一唱衆和因隳括之為竹枝歌云
吳儂一隊好兒郎只要船行不要忙着力大家齊

一拽前頭管取到丹陽

莫笑樓船不解行
識儂號令聽儂聲
一人唱了千人和
又得蹉前五里程

船頭更鼓恰三槌
底事荒雞早篋啼
戲學當年度關客
且圖一笑過前溪

積雪初融做晚晴
黃昏恬靜到三更
小風不動還知麼
且只牽船免打冰

岸旁燎火莫闌殘
湏念兒郎手脚寒
更把綠荷包熱飯
前頭不怕上高灘

月子彎彎照幾州
幾家驩樂幾家愁
愁殺人來關

月事得休休處且休休

幸自通宵暖更晴何勞細雨送殘更知儂笠漏芒鞋破須遺拖泥帶水行

過京口以南見竹林

行從江北別梅兄歸到江南見竹君却憶西湖湖上寺梅花如雪竹如雲

過呂城閘

閘頭洲子許團欒古廟蕭條暮雨寒榆柳千株無半葉各青一樹碧琅玕

泊船到得暮鍾時等待諸船不肯齊等得船齊方

過閘又須五鼓到荆溪

昨宵聽盡掉謳聲愁裏無眠達五更
今夕雨寒泥又滑作何計會速天明

等到船齊閘欲開船船捩拖整帆
挽一船最後知何故月許時間獨不來

纜聞開閘總驩欣第一牽夫有喜聲
只得片時天未黑後來天黑也可行

道是行船也未行老夫誤喜可憐生
要知開閘真消息記取金鉦第二聲

再過常州

淮浦回春舫荆溪又早炊向來迎客處還似迂儂
時父老今餘幾山川別後竒旧游休再至再至只
成悲

晝睡聞鴈

夢裏霜鴻叫絕天鬢鬆睡眼起來看慙慙覺社湖
中客送我南皈到惠山

橫林望見惠山寄懷尤延之

惠山一別十年強雪後精神老更蒼白玉屏風三
萬丈半天遮斷大湖光
惠山孤絕未為孤下有詩仙伴却渠占斷惠山妨

底事無端更占洞庭湖

平生玉樹伴蒹葭
晚歲春蘭滿菊花
咫尺遂初堂
下水寄詩猶自怨人選

遣騎迎家久替來訊

還家家尚緬迎家家未來去住兩不知安否更相
猜偶思十年事誰謂今歲非始我離高安述職朝
天街中外理難必膏肉心與偕同室忽分塗老情
非不懷入京就一列汲汲營尺攘墻屋丞丞未完婦
子豈我催前知來期杳更用辛苦為屬以王事出
寒船如江淮風霜屬宵泳山水薦曉環六朝幾宿

草事徃空餘哀夢收兒女書喜極曉為開一欣雖
非實差慰腸九回旣帆私惠山良訊傳荆涯啓緘
復非真旅思弥不佳船門且看雪呼僮滌荷杯

舟中奉懷三館同舍

岸樹枝枝瘦汀蕪節節枯雲留雪且風興屋相
呼一老凍欲死群仙知也無更緣詩作崇病骨轉
清臞

過望亭

望亭昔歲過旣舫柳為踰蹀杏為妍今日溪山渾
似旧雪蘆風荻雨蕭然

牕間兩打淚新斑
破處風來叫得酸
若是詩人都
富貴遣誰忍
餓遣誰寒

暮鴻作陣猛相追
風有何忙也急吹
惱殺詩人真
枉却雲牕霧閣不曾知

兩岸山林總解行
一層送了一層迎
天公收却春
風面拈出酸寒水墨屏

朝朝暮暮見長河
見了長河只厭他
却愛畫師能
畫水不看死浪與生波

晴河不似雨中看
晴裏波紋只簾班
却是兩河新
樣巧簾間織出小金銀

跋黃文若詩卷

五字長城壁不如鼠肝蟲臂得閑渠竹坡集裏曾
相識驚見蘭亭繭紙書

垂虹亭觀打魚斫鱸

橋柱踈踈四寂然亭前突出八魚舩一聲磔磔鳴
柳起驚出銀刀躍玉泉
六隻輕舩攬四旁兩舩不動水中央網絲一撒還
空舉笑得倚欄人斷腸
漁郎妙手絕多機一網收魚未足奇剛向人前撲
勲績不教速得只教遲

鱸魚小底最為佳一白双腮是當家旋看水盤堆

白雪急風吹去片銀花

吳人號鱸膾曰玉膾太湖鮓魚四腮通白色肉細味

美不腥松江膾三腮黑春肉麁味淡而腥見圖經

過太湖石塘三首

繞轉船頭特地寒初無風色自生湍堤橫湖面平
分白水拓天圍分外寬一鏡銀濤三万頃獨龍玉
脊百千蟠若為結屋蘆花裏月笠雲蓑把釣竿

三萬六千頃見圖經

每過松江得偉觀玻璃盆底釘乾坤天邊島嶼空
無際烟外人家澹有痕笠澤古今多浪士包山近

遠在何村季鷹曾望何曾死雪是衣裳月是魂
兀坐船中只欲眠不如船外看山川松江是物皆
詩料蘭漿穿湖即水仙將取垂虹亭上景都皈却
月觀中篇正緣王事游方外鑿齒弥天未當賢

過八尺遇雨

垂虹亭登劣歸船又復毛空暗水天節裏無多好
天色闌風長雨餞殘年

長去
色

去年今日鳳山頭兒女團藥爭勸酬不及松江煙
雨裏獨搔華髮一扁舟

細雨無聲忽有聲亂珠跳作万銀釘呼僮速買鹿

村酒更煮鱸魚尊菜羹

鹿首通吳江地名其酒清洲

過上湖

上湖名是實全非只合松江鴈鷺池若與五湖通

譜系澹臺湖弟太湖兒

澹臺湖屬吳縣有澹臺城明墓

過平望

豈但湖天好諸村總可人麥苗染不就茅屋盡來
真行止隨緣着江山到處新十年三過此贏得鬢
如銀

行得三吳徧清竒最是蘇樹園平野合水隔別村
孤震澤非塵世松陵是畫圖更添一詩老載雪過

重湖

小麥田田種垂楊
岸岸栽風從平望住
兩傍下塘來
亂港交穿市
高橋過得挽
誰言破書篋
檐取太湖回

兼叔羽集同年九人於櫻桃園錢襲明何
同叔即席賦詩追和其韻

八座能分一月光
題名猶記榜間黃
看渠超出金閨彥
顧我曾為同舍郎
高會九人尋水石
縱談一笑問宮商
越王孫子瓊瑤句
細把重吟恐脫忘

右和錢襲明韻

天門金榜出槐宸四海同年骨肉親走馬看花鏡
幾日曉星殘月半無人談間平叔元如玉句裏司
勳別有春欲把清新比梅雪却愁梅雪未清新

右和何同叔韻

秀州嘉興館拜賜春幡勝

中使傳宣下紫宸
鐵頭濃染御香雲
絲幡耐夏宜
春字寶勝連環曲
水紋癡似土牛鞭
不動老登金
馬媿無聞強簪
華髮知難種
只有新詩頌
五分勝

用鐵頭
紙貼

立春日舟前細雨

急風陣陣吹白塵，著人怪底濕衣巾。
隔溪平林橫素練，起從山脚縈山面。
近山如霧復如煙，遠山失却只餘天。
今朝春日得春雨，潤物無聲非浪語。

春平寶漁舟，
絕小漁舟乘似輕，荻蓬密蓋不聞聲。
無人無釣無蓑笠，風自吹船船自行。

入長安閘

船入長安恰五更，歸人都喜近臨平。
陰晴天色知何似，篷上惟聞掃雪聲。

天門全記夢中紅碧一聯

喜教兒聯句那知是夢中天窺波底碧月抹樹梢
紅覺後念何說意間難強通元來一夜雪明曉散
晴空

過臨平

臨平放目渺無涯蓮蕩蘋汀不釘牌雪後輕船四
撈漉斷蘆殘荻總成柴

人家點綴荻花林水繞堦除雪濕衫最是疎簾與
脩竹脚根半入小河深

庚戌正月三約同舍游西湖

不到西湖又兩年西湖風物故依然道旁松檜俱

無羔笑我重來雪滿顛

春光欲動意猶遲未許游人浪見伊只有梅花藏
不得隔籬穿竹出橫枝

黃金榜揭集芳園只隔牆頭便是天西母雲車寒
未降鸞花作意辨新年

南北高峯巧避人旋生雲霧半腰橫縱然遮得青
蒼面玉塔双夫分外明

下竺泉從上竺來前波後浪緊相催泉聲似說西
湖好流到西湖不要回

補種杉松遲已成泥乾塵淨正堪行草芽併作傷

心碧只欠先生屐子聲

上竺諸峯深復深一重一掩翠雲衿只言人跡無
來路動地鍾聲與梵音

家家砌下過清泉寺寺雲邊占碧山走馬來看已
心醒更教選勝佳中間

樹生石上土全無只見青葱不見枯好在冷泉亭
下水為渠憑檻數游魚

閘住清泉似鏡平閘開奔浪作潮聲放開一板還
收去依旧穿沙繞石行

題浩然李致政義槩堂

非俠非狂非逸民讀書謀國不謀身一封北闕三
千牘再活西州六萬人雨露晚從天上落芝蘭親
見掌中新仁心義槩絲綸語長掛巴山月半輪

謝李君亮贈陳中正墨

麝射煙薰透大夫松膠團吹成赤鯁公龍尾研磨碎
蒼壁鳳鬚飛動出晴虹誰言陳子草玄手突過蒲
家讀墨功老我久無椽樣筆為君小楷注魚蟲

贈倪正甫令子阿麟

精神玉雪眼點漆總角兩髦錦纏碧郎君未出客
已驚隔牖讀書鸞鶴聲松煙兔穎小三昧麝尾銀

鈎略無對鍾王筆法老始成阿麟今統十二齡七十列傳十二紀白頭書生不能記亂抽架上聊試渠橫誦倒誦如流水二雅三頌已作箋要與毛鄭爭先鞭吟詩作賦更餘事不論五言兼七字奉常先生有陰功翰苑仙人有家風高科好官手可唾更看聲名寒天破天破老夫還曾浪語麼

記張定叟煮箏經

江西貓箏未出尖雪中土膏養新甜先生別得煮箏法丁寧勿用醃與鹽巖下清泉湏旋汲熬出霜

根生蜜汁寒芽嚼作冰片聲餘瀝仍和月光吸菘
羔楮雞浪得名不如來參玉板僧醉裏何須酒須
解醒此羹一椀爽然醒大都煮菜皆如此淡處當
知有真味先生此法未要傳為公作經歲名止

和丘宗卿贈長句之韻

君入脩門統一見我出脩門風刮面飯來急問有
新詩勺勺舉似君不疑殿門握手冠纓絕烟如雲
破瞻秋月老懷勃鬱久不開為君傾豁情既竭君
詩元自過黃初古雅可敬麗可娛詩壇端是一敵
國乃不自情下取予向來交游半生死悼往喜喜

同彼此老夫懶性不便書毛穎為君浴清泚聖賢
何時同一中縱談社鷺與秋鴻芒鞋藤杖尋春風
天竺靈隱九里松古來樂事天慳與怪珍未必逢
良賈即今又欲駕官船淮水中流送歸虜金山獨
上妙高臺再與海若相詼諧歸時藉手無一字教
君笑殺老誠齋

大兒長孺赴零陵簿示以雜言

長孺旧名壽仁

好官易得忙不得好人難做湏着力汝要作好官
令公書考不可鑽借令巧鑽得遺臭千載心為寒汝
要作好人東家也是橫目民選官無選處却與天

地長青春老夫今年六十四大兒壯歲初筮仕先
人門戶冷如冰豈不願汝取高位高位莫愛渠愛
了高位失丈夫老夫老則老官職不要討白頭官
裏捉出來生愁無面見草萊老夫不足學聖賢有
前作譬如着碁着到國手時國手頭上猶更儘有
着

正月五月以送伴備官侍宴集英殿十口

號

殿下鞭聲再劄雷玉皇徐下九天來陰晴不定朝
來定五色祥雲霍地開

一點胡行朝漢天
英符來自玉門關
舊時千歲琵琶語
新學三聲萬歲山

金鬣後視立玉臺
雙瞻御坐首都回
水沉山麝香薇露
漱作香雲噴出來

千官拜舞仰虛皇
奉上瑤池萬壽觴
殿上雙傳送御酒
檻前一曲繞虹梁

太極重開万物新
紹熙天子宴群臣
梨園好語

君須聽玉曆初放第一春

詞臣倪正甫撰致語口號云玉曆初頒第一春

已賜儀鸞錦坐蒲
起來再立聽傳臚
君王欲勸群臣酒
宣示天杯一滴無

猛士緣竿亦壯哉，踏空舞闊四裴回。
一聲白雨催花鼓，十二竿頭總下來。
賜花新剪茜香羅，簪徧烏紗未覺多。
花重紗輕人更老，擡頭不起奈春何。
廣場妙戲鬪程材，未得天顏一笑開。
角觝罷時還宴罷，卷班出殿戴花回。
賀老如何尾從班，真官也作借官看。
君恩至重無真假，賜酒何曾味兩般。

三花斛

省前見賣花擔，上有瑞香水仙蘭花同一瓦。

斛者買置舟中各賦七字

侵雪開花雪不浸開時色淺未開深碧團藥裏筆
成束紫蓓蕾中香滿襟別派近傳廬阜頂孤芳元
自洞庭心詩人自有薰籠錦不用衣篝炷水沉

右瑞香

生來体弱不禁風匹似蘋花較小豐腦子醜薰衆
香團江妃寒損水精宮銀臺金珮談何俗鬢第梅
兄品未公寄語金華老仙伯凌波仙子更凌空

右水仙

雪徑偷開淺碧花水根亂吐小紅芽生無桃李春

風面名在山林處士家政坐國香到朝市不容霜
節老雲霞江籬圍蕙非吾耦付與騷人定等差

右蘭花

再併賦瑞香水仙蘭三花

水仙頭重力纖弱碧柳腰支黃玉萼娉娉嫋嫋誰
為扶瑞香在旁扶着渠春蘭初芽嫩仍短嬌如穉
子無人管瑞香緣蔭濃如雲風月不到况路塵生
時各在一山許畦丁作媒得相聚三花異種復異
粧三花同韻更同香詩人喜渠伴幽獨不道被渠
教勸腸

寄題朱元晦武夷精舍十二詠

精舍

憶我南溪北千巖萬岳亭如渠紫陽叟詫殺一峯
青

仁智堂

學子可憐生遠來參老子仁智若為談指似秋山
水

隱求堂

夢裏長逢孟義中亦見顏癡兒入吾室真作采薇
看

止宿寮

一老說談話諸君未要眠開牕放山月把酒奏溪泉

石門塢

乱石堆成玉双峯便是門莫將塵底脚踏泥塢中雲

觀善齋

觀慕不作秋觀劉不作石要知麗澤功秬箇是消息

寒栖館

蘇合十二精

鍊玉雲粘杵朝真露濕衣一聲半夜鶴月裏羽人
歸

晚對亭

大隱翠屏孤何許最正面日落未落時亭上來相
見

鉄笛亭

誰將點漆金鑄作孤竹笛林外吹一聲震落千峯
石

釣磯

月夜乘醉來垂竿曲溪曲水清無寸鱗釣得半輪

王

茶竈

茶竈本望澤飛來摘茶國隨在武夷山溪心化為
石

漁艇

精金何曾遠我在九曲北漁艇若不來弱水萬里
隔

和劉德脩用黃文叔韻贈行

碧玉長篙黃篾篷兩淮煙月五湖風金梭織錦煩
詩匠瓊尺裁雲補化工去路江山隨意緣飯時桃

杏斲腸紅岷峨二妙貽双璧萬丈光芒照病翁

嘉定元年春三月男

長孺

編定

端平元年夏五月門人羅

茂良

校正

誠齋集卷第二十八終

蘇東坡詩集卷之六十八

蘇東坡詩集卷之六十八
蘇東坡詩集卷之六十八
蘇東坡詩集卷之六十八

蘇東坡詩集卷之六十八
蘇東坡詩集卷之六十八
蘇東坡詩集卷之六十八

誠齋集卷第二十九

廬陵楊行万里
廷秀

朝天續集

泊舟臨平

前牕向市下却簾後牕臨水開却門岸頭揚柳報
春動溪底雲天隨浪翻隔溪數間黃草屋繞屋千
竿翠瓊竹三老鳴鉦樣拖樓今宵又向臨平宿

拂溪十點五點雨穀紋織出團花縷花頭細大雖
不勻一花銷時一花吐北風卷雲如卷簾忽然收

盡玉廉織天光却在水光下天水鎔作鏡一奩好
山隔市望不見祗有清溪照人面
辛奉 謝王恭父贈梁杲墨 今實又向謝平寄
君不見蜀人文字天下工前有相如後楊雄君不
見蜀人烏丸天下妙前有蒲韶後梁杲初得梁墨
綸摹糊老夫道渠不及蒲蓬山藏室王校書笑我
未識真玄菟兩圭水蒼笏雙團點漆壁一併贈老
夫此意已金石洮州綠玉試松花星潭黑雲走風
沙龍蛇起陸鷹入骨却愁雷電奪神物

蜜蜂不食人間倉玉露為酒花為糧作蜜不忙採
花忙蜜成猶帶百花香蜜成萬蜂不敢嘗要輸蜜
國供蜂王蜂王未及享人已割蜜房老蜜已成蠟
嫩蜜方成蜜蜜房蠟片割無餘老饜更來搜我室
老蜂無味祇有滓平幻蜂初化未成兒老饜火攻
不知止既毀我室取我子

千葉水仙花

世以水仙為金殘銀臺蓋單葉者其中真有一
酒殘深黃而金色至千葉水仙其中花片
捲皺密蹙一片之中下輕黃而上淡白如染

一截者與酒盃之狀殊不相似安得以舊日
俗名辱之要之單葉者當命以舊名而千葉
者乃真水仙云

薤葉葱根兩不差重蕤風味獨清嘉薄揉肪玉圍
金鈿淺染鵝黃刺素紗臺殘元非千葉種丰容要
是小蓮花向來山谷相看月知是他家是當家

臨平解舟

竹籬短短門小小少年獨立春風曉柳芽縮瓜尚
怯寒金粟班班滿枝了過船橋下橋絕高波清深見
一截篙市人夾水爭出看無數漁舟避東岸

蓮蕩層層鏡樣方春來嫩玉斬新光角頭一一張
蘆箔不遺魚鰕過別塘
蓮蕩中央芳露沙上頭便着野人家籬邊隨處掉
垂柳簷下小船繫釣車
朝來採藕夕來漁水種菱荷片種蘆寒浪落時分
作蕩新流漲後合成湖
人家星散水中央十里芹羹菰飯香想得薰風端
午後荷花世界柳絲鄉

藏船屋

吳中河畔多鑿小沼與河相通架屋其上截
船其中
望見官旗衙舳艫漁舩爭入沼中蘆葦船蘆底猶
有兩屋底藏舩雨也無
非港非溝別一涯茅簷元不是人家不居黔首居
青雀動地風濤不到他

岸頭樹子直如筠誰遣相招住水濱不合鏡中貪
照影照來照去總斜身
岸樹枝枝禿影中雪風一半半春風棟梢落盡黃

金彈猶有紛紛綴彈茸

麥田

無邊綠錦織雲機全幅青羅作地衣
不是農家真富貴雪花銷盡麥苗肥

乘疇

夾岸瀕河種穠乘春風吹出萬條長
舩行老眼渾多志喚作西湖棹拒霜

竹林

珍重人家愛竹林織籬辛苦護寒青
那知竹性元薄相須要穿來籬外生

賦金盤露椒花雨

吾家酒名數腴者曰金盤露芳烈者曰椒花

雨

金盤夜貯雲表露椒花曉滴山間雨一消不用鴨
綠波双清釀出鴉黃乳老妻知我憎官壺還家小
槽壓真珠江西擔取來西湖遣我醉倒不要扶更
携數尊往淮上要夸親舊嘗家釀抵堪獨酌不堪
分老夫猶要入脩門

崇德道中望福嚴寺

一徑青松露三門白水煙殿橫林外脊塔漏隙中

天地曠迎先見村移眺更妍追程坐行役不得泊
春船

岸柳

柳梢拂入溪雲陰柳根挿入溪水深
祗今立岸一弊帚歸時弄日千黃金
人生榮謝亦如此謝何兄
怨榮何喜秋霜春雨自四時
老夫問柳柳不知

春菜

雪白蘆菔非蘆菔喫來自是辣底玉花菜蔓菁非
蔓菁喫來自是甜底水三館宰夫傳食籍野人蔬
譜渠不識用醢不用酸用塩不用鹹塩醢之外別

有味薑牙振子仍相參不甑亦不釜非烝亦非煮
壞盡蔬中腴乃以煙火故霜根雪葉細縷來覓瓶
夕暮朝即開貴人我知不官樣肉食我知無骨相
抵合南溪嚼菜根一尊徑醉溪中雲此詩莫讀恐
嚇殺要讀此詩先捉舌

過平望

望中不着一山遮四顧平田接水涯柳樹行中分
港汊竹林多處聚人家風將春色歸沙草天放晴
先入浪花午睡起來情緒惡急呼蟹眼淪龍牙

天以與合路馬坊年年四月殿前諸軍牧馬於此

十月後歸都下
地迥湖寬春草酥
年年此地牧天駒
玉花驄裏龍
歸去金粟堆前鳥
自呼花廐尚塵三
萬柱柳林集
得許多鳥即今未有王良眼
山子飛黃豈是無

過鸞闕湖

畫舫如山水上奔
小舩似鴨避河濱
紅旗青蓋鳴鉦處
都是迎來送往人

忽聞江上四驩呼
知近吳江鸞闕湖
火炬燈籠不須辨
使家行住按程塗

下臨山

春來已自兩旬餘
欲借春看未見渠
煙樹隔湖三

十里寒梢依舊向人踈

晚寒題水仙花并湖山

水仙怯暖愛清寒兩月微暄嬾欲眠料峭晚風人

不會留花且住伴詩仙

水面無風也自寒船門已暮更深關莫將若下三

杯酒博與湖邊幾點山

鍊句爐槌豈可無句成未必盡緣渠老夫不是尋

詩句詩句自來尋老夫

月夜阻風泊舟太湖石塘南頭

到得松江每不欣何曾晴快遇清真此行作意追

勝境入夜阻風還悶人萬里青天一輪月三更雪
浪太湖春若教白日來經此不見新鎔萬頃銀

動地顛風政打頭吳江未到且維舟五湖波起衆
山動一片月明千里愁且更放遲些子睡看他盛
怒幾時休陽侯要與詩人敵未必詩人輸一籌

過湖未得匹如閑何幸湖心泊畫船宇宙中間都
是月波濤外面更無天誰知造物將奇觀不與僮
人付謫仙管領渠儂無一物鏤冰剪雪作新篇

新年乘興看春風來過垂虹東後東誰有工夫寒
夜底獨尋水月五湖中今宵頓覺乾坤大下筆惟

愁造化窮太白青山謝公海可憐一笑偶然同

題吳江三高堂

范蠡

霸越士吳未害仁不妨報國併酌身風雲長頸無
遺恨雪月扁舟更絕塵還了君王抹香徑須饒老
子苧羅人鷓夷若是真高士張陸何堪作近鄰

張季鷹

京洛緇塵點素衣秋風日夕喚人皈鱸魚不解踈
張翰羊酪偏能留陸機二晉興亡幾春草三吳人
物尚漁磯空令千古華亭鶴猶為諸賢說是非

陸魯望

讀盡詩書不要官
飢寒欲死豈無田
生憎俗子慵
開眼逢着詩人便
絕絃笠澤升小三
益友筆床茶
竈一魚舫
羨渠赤脚弄明月
踏破五湖光
底天

松江曉晴

昨夜何緣不峭寒
今農端要放晴天
窻間波日如
樓上簾外霜風似
臘前近水人家
隨處好上春物
色不勝妍
飯時二月三吳路
挑杏香中慢過舫

松江鱸魚

鱸出鱸卿蘆葉前
垂虹亭上不論錢
買來玉尺如

何短鑄出銀梭直是圓白質黑章三四點細鱗巨

口一双鮮秋風想見真風味祇是春風已迥然

鱸魚

以七八寸為佳

松江蓴菜

鮫人直下白龍潭割得龍公滑碧髯曉起相傳藥

珠闕夜來失却水精簾一杯淡煮宜醒酒千里何

須更下塩可是士衡殺風景却將羶膩比清纖

沉麋

御云太湖有白龍嘗橫水上不知丈數

泊平江百花洲

吳中好處是蘇州却為王程得勝游半世三江五

湖棹十年四泊百花洲岸傍楊柳都相識眼底雲
山若見留莫怨孤舟無定處此身自是一孤舟

姑蘇館夜雪

昨朝晴色動春熙入夜星河弄碧漪誰信雪花能
樣巧等他人睡不教知起來紅日恍開霽照得王
花光陸離歸去中都說奇事姑蘇館裏上元晴

姑蘇館上元前一夕觀燈

茂苑元宵亦盛哉千紅百紫雪中開牡丹自是吳
門有蓮蒼移從都下來光射瑠璃最精彩吐成蝦
蟬貫昭回歸舫尚有殘燈在更與兒曹飲一杯

走筆和表起巖元夕前一夜雪作

天公極意辨元宵頃刻按雲作雪飄茂死長洲花
剪玉蘇臺香徑砌成瑤千燈剝喜開紅藥兩鬢還
驚揜素標客子孤舟寒折骨無端詩伯苦相撩

再和表起巖韻

一歲驩聲沸此宵游人麗服正飄飄病夫未暇磚
引玉惡語翻成李報瑤天遣素娥提雪月江涵公
子更風標君家道是關門卧却有新詩來見撩

雪中登姑蘇臺

我亦閑來散病身游人不用避車塵擗天四塔雲

中出隔水諸峯雪後新道是遠瞻三百里如何不

見六千人吳亡越霸今安在臺下年年花草春

圖經

去姑蘇臺高可見三百里外

姑蘇館上元前一夕陪使客觀燈之集

節物催人又一年銀花蓮炬照金尊麝髓官樣陪
公讌粉繭卿風憶故園何似兒孫談草草不妨燈
火半昏昏人生行止誰能料今夕蘇州看上元

陸廬

之俗元夕粉米為繭中藏吉語剝之以占一歲蚕事

雪後陪使客游惠山寄懷尤延之

已到蘇州未到常惠山孤秀蔚蒼蒼一峯飛下如

奔馬萬木深圍古道場錫骨中空都是乳玉泉致
遠久偏香眠雲跋石梁溪叟恨殺風煙隔草堂惠泉
行千里經
數月不腐

惠泉分茶示正孚長老

寒泓不到十餘年老眼重看意惘然漱裂蒼崖王
龍口墮成清鏡雪花天湏煩佛界三昧手拈出茶
經第二泉珍重贊公驚久別且談詩句未談禪

回望惠山

潘葑回望惠山真如龍形其鼻為寺寺前起
一小峯極圓如珠山尾繳回豐本銳末極有

力云

惠山分明龍樣活玉脊瓊腰百千折錫泉泉上吐
一珠簸弄太湖波底月蒼石為角松為鬚鬚裡黃
金古佛廬請君更向潘葑看龍尾繳到珠南畔

題陸子泉上祠堂

先生喫茶不喫肉先生飲泉不飲酒飢寒祇忍七
十年萬歲千秋名不朽惠泉遂名陸子泉泉與陸
子名俱傳一辨佛香炷遺像幾多衲子拜茶仙麒
麟圖畫冷似鉄凌煙冠劍消如雪惠山成塵惠泉
竭陸子祠堂始應歇山上泉中一輪月

過洛社望南湖暮景

南湖隔水見漁燈
鴈落蘆汀八字橫
對面双峯煙雨裏
雙峯外面是宜興
暮煙如雨雨如煙
一把珠簾隔遠山
簾影漸濃山漸淡
恍然移入畫屏間
一陣南風似箭來
蒲帆飛上最高桅
兩邊岸柳都奔走
不及追船各自回

舟中元夕兩作

道是今宵好
上元新晴白
畫雨黃昏紅
燈皎月儂
無用關上船門
倒一尊

佳辰三五是今宵恰則今宵細雨飄天念孤舟人
寂寞不教月色故相撩

此生萬事有期程多取拋饒竟不曾誰遣夜來南

館裏千花預借上元燈

姑蘇館中送伴使泊
南館北使泊北館

夜過五牧

船頭更鼓打兩聲如何未到常州城道旁火炬如
畫明道上牽夫如蟻行今宵到得荆溪館我欲眠
時夜還短明朝擁被窺舡窗百尺柳條垂兩岸

明發荆溪館下

常州太守曾獨弄回首向來真一夢五月炎天十

月寒東亭迎客西亭送自從別却翟家園豈謂三
經金斗門莫教物色有欠處剩與新詩三五句猶
有歸塗更一來是時百花開未開

戲題岸柳

斫盡江邊楊柳梢要教新歲換新條老夫也鑷霜
鬚鬢鬢却霜根出雪苗

舟中即事

阿翁阿囡自相隨賞徧江淮春盛時熊白同嘗臘
前酒雌黃自改曉間詩醉來忽笑天地窄老去那
能兒女悲身後昇沉各何有到頭誰黠復誰癡

雨中過沙灘

常州草蟲天下無可憐枉却許工夫濛濛拂拂沙
灘艇別是荆溪煙雨圖

煙雨新圖學不成煙能明晦雨能聲莫教一點春
風起卷盡空濛寫晚晴

小舟

豎起青篙便是桅片帆掛了即帆間漁郎袖手船
頭坐一葉如飛不用催

微雨

要知微雨密還疎空裏看來直是無不被波間三

兩點阿誰見破妙工夫

過犇牛關

春雨未多河未漲
關官惜水如金樣
聚船久住下河灣
等待船齊不教放
忽然三板兩板開
驚雷一聲飛雪堆
衆船過水水不去
船底怒濤跳出來
下河半篙水欲滿
上河兩平勢差緩
一行二十四樓船
相隨過關如魚貫

蘭花五言

護兩重重膜
凌霜早早春
三非碧彈指
一笑紫翻脣
野竹元同操
官梅晚卜鄰
花中不見女
格外更

幽芬

次韻寄題馬少張致政亦樂園

亦樂園將獨樂園兩園誰窄復誰寬似聞閭里溪
深處下有蛟龍水底蟠黃帽已捐蒼玉佩朱顏不
借紫金丹刺桐花發梅花落安得乘風去一觀

高郵野望

望中四野掌船平遠樹成行一帶橫樹外天容仍
淡白不愁樹影不分明

江南十里九青山江北無山只野田更遣野田無
遠樹郭熙儘巧若為傳

過新開湖

奇哉萬頃水精盆一線青羅緣却脣只有向南接
天去更和一線也無痕
漁郎艇子入重湖老眼慙慙看着渠看去看來成
怪事化為獨鴈立橫蘆

白葦黃蘆尚帶秋長風遠水幾時休愁人對着君
休問不是愁人也作愁

一鷗得得隔湖來瞥見魚兒眼頻開只為水深難
立脚翩然飛下却飛回

遠遠人煙點樹梢船門一望一魂消幾行野鴨數

聲鴈來為湖天破寂寥

瓦店雨作

斜風吹雨打船窗
一陣踈來一陣忙
聽作山齋聲
點滴不知作客在山陽
天嫌平野樹分明
便恐丹青畫得成
收入晚風煙
兩裏自將水墨替丹青
詩人長怨沒詩材
天遣斜風細雨來
領了詩材還
又怨問天風雨幾時開
近岸人家欲閉門
遠林煙樹半昏昏
鷓鴣白鷺歸
何晚今夜定投何處村

曉出洪澤霜晴風順

又從洪澤沂清淮積雨連宵曉頓開霜凍水涯如
雪厚波搖日影入舩來辛勤送客了未了珍重順
風催復催明早都梁各分手順風便借一帆回

題龜山塔前一首唐律後一首進退格

龜山獨出壓淮流寶塔仍居最上頭銀筆書空天
作紙玉龍拔地海成湫向來一厄遭群犬挽以六
丁兼萬牛逆血腥羶化為碧空餘風雨鬼啾啾逆亮

南寇嘗以絹為繩令數萬人
隔淮河拽之不動裂而復合

舊歲新年來往頻孤標數面便多情獨將白髮三

千丈上到瑤臺十二層萬里海風吹不動半輪淮
月為誰朋東坡舊跡無尋處試問龕中錦帽僧
層二

嘉定元年春三月男

長孺

編定

端平元年夏五月門人羅

茂良

校正

誠齋集卷第二十九終